

親征平定朔漠方略

三二

亲征平定朔漠方略

四函 三十二册

北京市中国书店出版

北京市新华书店发行

定价：三百元

親征平定朔漠方畧卷之四十八

康熙三十七年正月辛巳

命授青海諸台吉封爵。

上諭議政諸臣曰。扎西巴圖爾等。應授封爵。著議政諸臣詳議具奏。議曰。恭惟

皇上聖謨廣運。神武懋昭。普天同慶。四海協和。有生之倫。咸得其所。雖古昔帝王。莫之能比。西寧

外厄魯特扎什巴圖爾台吉乃青海台吉之
統領也。今聞

皇帝至仁盛德。傾心嚮化。土謝圖帶青額爾德尼納
木占台吉。彭蘇克台吉。率其所屬。誠心歸
皇上之化。當封何爵。伏候

上裁。奉

旨。封扎什巴圖爾爲親王。土謝圖帶青額爾德尼

納木占爲貝勒。彭蘇克爲貝子。

壬寅。

命授喀爾喀扎薩克台吉索諾木伊思扎卜封爵。

上諭理藩院曰。蒙古諸王台吉。軍中殊爲効力。坐塘

運米。捐助牛羊。俱著一併議奏。議曰。喀爾喀扎

薩克台吉索諾木伊思扎卜。軍中効力。應封

爲輔國公。給之

誥命喀爾喀台吉哈米爾帶青巴圖爾亦在軍中
効力。應封爲一等台吉。

賜之蟒袍貂帽。

上從之。

二月壬子。

命授厄魯特台吉玉穆春等封爵。理藩院奏言。貝
勒巴圖爾額爾克濟農之子玉穆春軍前効

力應封爲輔國公給之

誥命

上從之。理藩院又奏言喀爾喀扎薩克台吉額爾德
尼旗下台吉沙魯伊兒都齊疏稱前賽音諾
顏十三男之後人俱已爲部長在本地行事
有納木扎兒阿海吳巴什部長蘇達尼部長
兩人臣較之差大今此兩部長仍爲部長臣

遭厄魯特。懃都台吉之劫掠。諸物缺少。今臣
所有百人而已。土謝圖汗與噶爾丹交戰時。
托多及我兩人。與戰兩日。後又與侍衛阿南
達同行。在照木多地方擒賊。手傷而仍前進。
復偕大將軍追噶爾丹。今惟臣一人。未得品
級。爲此轉奏。

上以沙魯伊兒都齊効力行間。勤勞頗著。著授爲一

等台吉。仍賜蟒袍貂帽。

安插降人厄魯特。懿都理藩院奏言。將軍孫思克。解到厄魯特蒙古。懿都本身。及其妻併一女男子六人。婦人一人。共十口。問之懿都。答曰。我乃杜哈爾阿喇卜灘親兄。噶爾丹族姪。烏闌布通之戰。與噶爾丹同敗於

王師。奔回之後。我謂吾弟阿喇卜灘曰。噶爾丹與

策旺喇卜灘兩人交惡相攻。我輩居此無用。
當另居一地。遣使於

皇上及達賴喇嘛。以和噶爾丹策旺喇卜灘之爭。否
則大家各居。我兄弟言定。誓不以告一人。乃
吾弟阿喇卜灘背誓。以此故告之噶爾丹。我
不便與若輩同處。欲避之另居。而人少不能
自立。無可奈何。往投策旺喇卜灘。策旺喇卜

灘使我娶吾兄達都虎之妻。吾嫂不從。意欲
各居。策旺喇卜灘謂我曰。爾嫂與額爾克格
隆通矣。吾心以爲我欲娶之而不可。反與人
通。故恨之。卽以兵二百。給吾兄達都虎原妻
之子達爾扎。令收之來。達爾扎遂往殺其繼
母焉。策旺喇卜灘謂我等不聞之於彼。併執
達爾扎而禁之七年。盡取我屬裔。後噶爾丹

敗於昭木多。吾兄之子滾楚克率四十戶人
來投策旺喇卜灘。策旺喇卜灘乃釋我。交吾
姪滾楚克。去歲十一月。策旺喇卜灘征哈薩
克。出兵之後。思吾父吾身。向來職貢。

天朝盍歸

聖上。我遂率屬下百餘戶人。內向逃來。至齊爾納木
地方。見吾弟阿喇卜灘。住居彼地。我欲率衆

人逃出。而雪大。子女多不能行。故盡留衆人。
吾身僅率此數人內來。至巴爾庫兒地方。遇
郭帕白克之回子。我等忽見衆人形影。恐係
策旺喇卜灘貿易之回子。故令我下喇嘛一
人。謬告以達賴喇嘛使人。領慈都等行路。而
郭帕白克執我送將軍孫思克解部。我等特
來歸。

聖上。我三子死於路。現在十口到此。

上賜慈都羊裘貂褂。傳

諭曰。爾來歸朕。殊可憐憫。帶來屬裔雖少。而爾乃顯者之子。朕仍照爾地。授爾爲台吉。附鑲黃旗。察哈爾內。阿喇卜灘所屬馬穆馬穆特等佐領。中安插。暫留爾數日。遣爾起行。隨又傳

諭慈都曰。爾顏甚不嘉。爾可往察哈爾地方。馬穆

馬穆特。皆爾同處之人。且暫居於彼。俟有厄魯
特來。同之來。其時給爾牲口。

三月己卯。

遣使諭策旺喇卜灘。策旺喇卜灘遣使進疏云。伏
讀中外遠邇。總爲一體。其於道法有益者。卽
褒卹之。逆行者。卽懲治之之

旨。因達賴喇嘛涅槃之事未悉。是以凡事不能明

奏。今細思

諭旨。第巴於內外諸事。全然不堪。其在內之不堪者。云何。舊例以能掌教者。使之掌教。自宗門以來。至普通菩薩。海潮大士。無不如是。達賴喇嘛圓寂之事。匿之不宣。鈞是師弟也。而斥正傳之聖徒班禪。自尊其身。有玷道法。詐稱達賴喇嘛法旨。以混亂七旗四厄魯特。至今

未定。生事在犯

天朝。想已洞鑒之矣。恐好事樂禍如此。此等諸禍。正未有已也。前奉

諭旨有云。兩聖掌宗門之教。相敬已七十餘年。其時法無玷而道蕩平。凡宥於教中者。皆得安樂。衆皆知之。祈

大君睿鑒。現在兩聖性體不愆。宗門法律無玷。使衆